

Jí² gasii¹ in San Pablo tíi² tsá² 'in néei¹ Galacia

Siin¹ in Poo² 'e jí² lo tíi² 'in jai² líi² Cristo néei¹ Galacia

1 1 Jna-a, Poo², sší³ na 'e jí² lo. Joon líi¹ na apóstol, joon jon' tsá² 'in nigatyiin¹³ jna la joongi jon' tsá² 'in nigasiin¹ in jna pe Jesucristo coon¹³ Dios Jmii²¹ nigatyiin¹³ jna joon 'ii nigasiin¹ in jna. Joon Dios Jmii²¹ gajmaa¹ a jiin¹ Jesucristo do jee²¹² líi²¹². **2** Jna, Poo², coon¹³ 'in tsaru¹ u' catyaai² 'in taain²¹² coon¹³ jna lo, sii²¹ jna'a 'e jí² lo tya' 'in tsá² jai² líi² Cristo néei¹ coon²¹ li sii²¹ Galacia. **3** Cwauncwaai¹³ Dios Jmii²¹ 'naa' joon cwoseen²¹ mo 'naa' tyú² -u tyaní¹ i coon¹³ Ña'ñu¹ 'u' Jesucristo. **4** Joon Jesucristo do gajaan²¹ mo 'ña'a ijuun¹ in 'wii¹³ tsaa² tyijna' 'e coon¹³ la joon lí² láa² mo jna' 'e juncwii²¹ gó² lo jiin¹³ la nigali'in²¹² in Dios Ñu¹ 'u' tyii' jmáa¹ a. **5** iCwoun'goo²¹ o tsá² Dios coon²¹ tøø² mo! Amén.

Jo 'e sá¹ júu³ xiia²¹ wa' lí² jmá¹ tiin¹³ tsá²

6 Tsa'goo²¹ -tsii 'áai¹ tsu jmoonoo nigatiui² 'naa' Dios 'in nitø²ø 'naa' coon¹³ 'e nigajmaa¹ a Cristo 'wii¹³ 'naa', joon niga'láa² 'wii²¹² jmaa² aa' núu¹³ uu' coon²¹ júu³ xiia' wa' lí² jmá¹ tiin¹³ tsá². **7** Pe jo 'ee júu³ xiia' sá² 'e la jai² wa' lí² jmáa¹ a tiin¹³ tsá². Pe seen²¹ mo 'inlíi¹³ 'in untyíi² 'naa' joon 'iin²¹² in 'in tsá² do unsii² i 'e júu³ tyú² tya' xiaala jmoo¹ o Cristo tiin¹³ tsá². **8** Pe wana cwo¹ tsá² 'naa' coon²¹ júu³ tya' 'e tiin¹³ tsá² 'e sisíi² i lagi 'e júu³ tya' Cristo 'e ga'ii¹³ 'naa' 'e gacwóo¹³ o'o 'naa', cwojmee²¹ mo Dios 'ii xufiin¹³ jna 'ñii'a si jaain²¹ ángel jó¹ fu ñu'fú² 'ee. **9** Joon la nigafo² oo la mo jée¹ joon nano fo² oo tún¹: wana cwo¹ 'inlíi¹³ tsá² 'naa' júu³ tya' 'e tiin¹³ tsá² 'e sisíi² i lagi 'e júu³ 'e ga'ii¹³ 'naa', cwojmee²¹ mo Dios 'ii.

10 Mo fo² oo la joon, ¿ti líi² naa' 'e 'iin²¹² na liseen²¹ na tyú² coon¹³ tsá² si coon¹³ Dios 'ee? ¿Ti líi² naa' 'e jmóo³ oo jmaai¹³ 'e tí² -tsi tsá²? Tsu wana jmóo³ oo jiin¹³ 'e tí² -tsi tsá² jo líi¹ na tsá² 'in jmoo¹ o jiin¹³ la to² tyú² Cristo.

Xiiala galí² 'e líi² in Poo² apóstol

11 Pe cwoliñí² 'naa', tsáru¹ u', jo gajooi² -tsi tsá² 'e júu³ tyú² tya' 'e tiin¹³ tsá² 'e cwóo³ oo. **12** Jo ga'ii¹³ na 'e júu³ do wa' tya' jiin¹³ jaain²¹ tsá², jon'gi wa' tsá² ga'e² e jna, pe 'ña'a Jesucristo gajmaa¹ a 'e liñí³ ii.

13 Joon niganuu² 'naa' xiiala nigajmáa³ aa la mo jée¹ mo gaun'góo³ oo Dios coon¹³ la tiisi² tya' tsá² Israel. Ní³ 'naa' xiaala ga'øø² na coon¹³ 'e 'gøøi¹³ tya' 'in tsá² jai² líi² Cristo 'in gatyiin¹³ Dios. Joon gali'in²¹² na wa' 'iin² na 'in jai² líi² Cristo coonti. **14** Joon cwáain¹ tya' 'e tiisi² tya' tsá² Israel gacwán¹ na líi¹ gi lagi 'in tsá² góo³ oo 'in coon²¹ røø² na coon¹³,

tsu jna-a gajmáa³gi coon²¹ tún² la tiisi² tya' tsacøøi¹³ tyiia. **15** Pe Dios nigatyiin¹³ jna la ñu'gi iliseen²¹ na, joon gatø² jna coon¹³ 'e feei¹-tsi tyiia. Joon mo gali'yaai¹-tsi, **16** gajmaa¹ 'e licwii¹ na Joon¹ on, 'e coon¹³ la joon ilijmaa¹³ aa júu³ tsá² jo seein²¹ Israel 'e júu³ tya' 'e tiin¹³ tsá². Joon mo galí² jilaa²¹ 'elo, jo 'iin gaunngí³ii jiin¹³ jaain²¹, **17** jon'gi wa'a gangó³oon Jerusalén wa'a ngajøø²¹² na 'in tsá² do 'in líi¹ apóstoles la jéei¹gi lagi jna. Li' cií¹³ gajmáa³aa, gangó³oon la jmoonoo fu coon²¹ li sii²¹ Arabia joon mo ngayuui¹³ joon gangó³oon fu Damasco tún¹.

18 Joon mo ningó¹ 'ni¹ jiin²¹ gangó³oon fu Jerusalén. Joon galicwii¹ na Tú³ joon gataan²¹² na dya'ná² jmií²¹² coon¹³ on. **19** Pe jo 'in apóstoles catyaaí² do gamáa¹ na jiin¹³ Jacobo 'in ruui²¹ Ña'ñu¹ 'u'.

20 Joon tyani Dios fuu²¹² uu 'naa' 'e la jai² 'e júu³ lo.

21 Mo galiciíin²¹ gi joon gangó³oon coon²¹ li sii²¹ Siria coon¹³ li sii²¹ Cilicia. **22** Joon 'in tsaru¹ u' 'in jai² líi² Cristo 'in néei¹ li sii²¹ Judea jo mo gangaa¹ i jna jiin¹³ coon²¹ naa¹³. **23** Jiin¹³ nigajmaa¹ 'in tsá² do júu³ jin² in: “In tsá² 'in niga'øøi² jna' la mo jéei¹, nano ngii¹ to² cwo¹ 'e júu³ tyú² 'e jo² líi² na' lo. Cwo¹ 'ido 'e júu³ tyú² 'e la mo jéei¹ gali'in²¹² in wa' 'iin² mo.” **24** Joon gacwo¹ o 'in tsá² do 'maai¹³ Dios cwáain¹ tyiajna.

Ga'ii²¹ 'in apóstoles catyaaí² do Poo²

2 **1** Joon mo gangíi¹gi dyatyú² jiin²¹ joon gangó³oon tún¹ Jerusalén coon¹³ Bernabé. Joon gajée¹ moo jon Tito. **2** Gangó³oon tsu Dios gajma² a jna júu³ 'e 'ná¹ ní³ii. Joon fu Jerusalén do ga'e³ee 'in tsá² do 'e júu³ tyú² 'e nigacwo²oo 'in tsá² 'in jo seein²¹ Israel. Pe ga'e³ee li' coon²¹ 'in líi¹ tsacøøi¹³ jee²¹² 'ii tsu jo gali'in²¹² na wa'a 'e to² 'e nigajmáa³aa si 'e to² ijmáa³aa 'ee ilí² jo 'ee to² tí². **3** Joon 'in Tito do, xufiin¹³ jo líi¹ tsá² seein²¹ Israel do, jo galí² wa'a 'ii²¹ in 'ido 'e li² circuncisión, **4** xufiin¹³ 'inlíi¹³ tsá² do gali'in²¹² in wa'a 'ii²¹ in Tito do 'e li² do. Joon 'in tsá² do, 'in gali'in²¹² in la joon, jo líi¹ i tsaru¹ u' la jai², jiin¹³ ga'í² jee²¹² jna'a 'uun²¹ mo. Ga'í² 'in tsá² do jee²¹² jna'a wa'a ilí² jøø² xiaala galáai² Cristo Jesús jna'a la to² tyu² ley do, joon 'iin²¹² in wa'a lí² 'núu¹ i jna'a coon¹³ ley do tún¹. **5** Pe jiin¹³ catá² jo gacwóo¹³ o'o wa'a jée¹ i jna'a, tsu gali'in²¹² moo'o 'e lí² 'e 'oo²gii¹ 'e júu³ jai² do tya' 'e tiin¹³ tsá².

6 Joon 'in tsacøøi¹³ do jo gatsaa²¹ a jiin¹³ coon²¹ wa'a lí² un'láai² 'e júu³ tyiia. Pe cwáain¹ tyiia jo 'ee tsa'goo¹-tsii tya' 'in tsacøøi¹³ do tsu jo jmoo¹ o Dios 'ii²¹ coon¹³ 'e ní² tsá². **7** Xu la wa'a tsa'láai² júu³ tyiia, galiñí² 'in tsá² do 'e nigacwo¹ o Dios jna 'e to² do wa'a cwo³oo 'in tsá² jo seein²¹ Israel 'e júu³ tyú² tya' 'e tiin¹³ tsá². Nigacwo¹ o Dios jna 'e to² do jiin¹³ la nigacwo¹ o Tú³ to² wa'a cwo¹ o tsá² 'e júu³ tyú² do tya' tsá² Israel. **8** Tsu coon²¹ røø²¹ 'in Dios 'in nigasii¹ in Tú³ líi¹ apóstol jee²¹² tsá² Israel, 'ii jon nigasii¹ in jna líi¹ na apóstol jee²¹² tsá² 'in jo seein²¹ Israel.

9 Tsu 'wii¹³ joon, Jacobo, coon¹³ Tú³ coon¹³ Wó³, 'in líi¹ 'in tyiin²gi jee²¹² 'ii, mo galiñii¹ xiiala nigajmaa¹ a Dios coon¹³ jna, gason¹ on cwóo³oo coon¹³ cwo²¹ Bernabé lawa coon²¹ li² 'e røø²¹ sii²¹ 'i coon¹³ on. Sii²¹ 'i røø²¹ wa'a tsá² jna'a 'e tsajmoo²¹ o'o to² jee²¹² 'in tsá² jo seein²¹ Israel la 'ii²¹² tsajmaa¹ a 'ido to² jee²¹² tsá² Israel do. 10 Gamii¹ o wa'a jiin¹³ jo 'iin²-tsii¹ 'in tsá² tañí² do. Joon gacwo¹²-tsii nigajmá³aa 'elo.

Mo gají²in Poo² Tú³ fu Antioquía

11 Pe mo gacwéi¹ Tú³ fu li taan²¹² na fuu²¹ Antioquía gají² na 'ii tyaní¹ i tsu nigajmaa¹ a 'e jo tñi² jmaa¹ a. 12 Tsu la nifu mo gatyí¹ a Antioquía do gagøø¹²¹ o caain²¹ coon¹³ 'in tsá² jo seein²¹ Israel do. La joon gajmaa¹ a ca mo gatyaliin² 'in líi¹³ tsá² gasii¹ in Jacobo. Mo ngayuui¹³ joon ga'láa² Tú³ 'wii²¹² jmaa¹ coon²¹ ña'a, jo gøø¹²¹ gi caain²¹ coon¹³ 'in tsá² jo seein²¹ Israel do tsu 'goo¹²¹ o Tú³ nei¹² liñi¹ 'in tsá² coon²¹ poo²¹² 'in jin¹² in 'e ná¹ 'ii²¹ tsá² 'e li² circuncisión do joon jmáa¹ a jilaa²¹ tiisi² tya' tsá² Israel. 13 Joon 'in tsá² Israel catyaa² 'in jai¹² líi² Cristo néei¹ do galí² tún² 'i¹-tsi coon¹³ Tú³ do joon cagi Bernabé gasí² i røø²¹ coon¹³ 'ido coon¹³ 'e gó² jmoo¹ o. 14 Pe mo gamó³oo xiiala jo nijmoo¹ o røø²¹ coon¹³ 'e jai¹² tya' 'e júu³ tya' 'e tiin¹³ tsá² gafuu²¹² uu Tú³ tyani jileei²¹ tsá² do: “Nü-ü, 'in líi¹ tsá² Israel, joon nigajmaa² a la jmoo¹ o 'in tsá² jo seein²¹ Israel, jon'on la jmoo¹ o 'in tsá² Israel; ¿xiia li'i 'iin²¹² u'un tyu¹² u to² tsá² jo seein²¹ Israel wa'a jmáa¹ a la jmoo¹ o tsá² Israel?”

Nijmaa¹ a Dios tiin¹³ tsá² Israel tsu 'wii¹³ jo¹ o líi²

15 Jna'a líi¹ na'a tsá² Israel coon¹³ 'e seen²¹ na'a, jo líi¹ na'a tsá² 'noo¹ o tsaa² lagi 'in tsá² catyaa². 16 Xuñin¹³ joon né²oo'o 'e jo mo gajmeei¹ Dios tsá² tyúi¹ tyaní¹ i jiin¹³ jaain²¹ tsu 'wii¹³ nigajmaa¹ a 'ido jiin¹³ la to² tyu¹² ley tya' Moisés. Gajmeei¹ Dios tsá² tyúi¹ tsu 'wii¹³ ja¹² mo galíi¹ Jesucristo. Tsu 'wii¹³ joon jo¹ o galíi² jna'a Jesucristo 'e coon¹³ la joon lí² jmeei¹ Dios tyúi¹ na'a tsu 'wii¹³ 'e jai¹² líi² na'a jon' wa' tsu 'wii¹³ nigajmoo²¹ o'o la to² tyu¹² ley. Tsu jo untyúi¹ Dios jiin' jaain²¹ tsá² tsu 'wii¹³ 'e nigajmaa¹ a la to² tyu¹² ley.

17 Joon jna'a, wa'a 'iin²¹² na'a 'e untyúi¹ Dios jna'a 'wii¹³ cwáain¹ tya' Cristo galí² 'e líi¹ na'a tsá² 'in røøi²¹ tsaa². Wana la joon, ¿ti lí² 'øøi²¹ -tsi tsá² 'e Cristo nigajmaa¹ a wa'a 'ná² jna'a tsaa²? ¡Esa la joon tsu jo lí² jmá¹ Cristo wa'a 'ná² jna'a tsaa²! 18 Tsu wana gajma¹³aa tún¹ 'e ni'fin¹ na do pe jna-a nigarøø²¹ na tsaa². 19 Tsu najúun² moo cwáain¹ tya' ley do, joon 'e ley do nigajngaa¹³ mo jna. Najúun² moo cwáain¹ tya' ley do yu to² 'e liseen²¹ na tya' Dios. 20 Jna ni'lii²¹² moo tsu najúun² moo caan²¹ mo coon¹³ Cristo tsaa¹ crúu¹³. Tsu 'wii¹³ joon jon' jna 'in seein²¹ nano pe Cristo seein²¹ coon¹³ jna. Joon xuñin¹³ 'e seen²¹ mogii, seen²¹ moo tsu 'wii¹³ 'e jai¹² líi² na 'in Joon¹ Dios, 'in nigali'in²¹² in jna joon gajan² mo

'ña'a 'e júun²in 'wii²¹² tyiia. **21** Joon jo jmáa³aa 'e jo 'ee to² tí² 'e feei¹-tsi Dios tyiia tsu wana gajmeei¹ Dios xufiin¹³ jaain²¹ tsá² 'e tyúi¹ tsu 'wii¹³ nigajmaa¹a la to² tyu² ley jo 'ee to² 'íi³ 'e nigajjuuin² Cristo wa' la joon.

¿Noo 'e gajmaa¹a tiin¹³ 'naa', 'e ley do si 'e júu³ jai² 'e galíi²naa' 'ee?

3 1 iLiili¹ báí¹ 'naa', tsaru¹u' néei¹ Galacia! ¿'lin nigacoon²¹ 'naa' too² 'e jo jmaa²gii' núu¹³uun' 'e júu³ jai² do? Tsu coon¹³ 'e júu³ nigacwoo²¹ o'o tyi'naa' gasíi¹³i 'naa' coon²¹ júu³ coon²¹ tsáa¹ xiaala gajuin¹ Jesucristo tsaa¹ crúu¹³. **2** Síi¹³duu' jna 'e 'iin²¹²na foo²oo': ¿Tí ga'ii¹³naa' 'in Espíritu Tyú² tya' Dios tsu 'wii¹³ gajmaa²aa' jiin¹³ la to² tyu² ley tya' Moisés si 'wii¹³ gajai² galíi²naa' 'e júu³ ganuu²uun' 'ee? **3** ¿Tí caa²¹²naa' 'e lí² líin²naa' wa lí² tyée¹naa' coon¹³ waa²¹ pí³ tyii' yaanaa' 'e niga'láa² 'wii²¹² jmoo²oo' coon¹³ 'ii²¹ tya' Espíritu tya' Dios? **4** ¿Tí jo 'e nigali'íin³ to² jilaa²¹ wúu¹ 'e nigañí²ii'? iJo cwo¹o Dios wa la joon! **5** Joon mo gacwei² Dios 'in Espíritu Tyú² tya'a tyi'naa' joon gajmaa¹a milagros jee²¹² 'naa', ¿xiia líi' gajmaa¹a la joon, tsu 'wii¹³ nigajmaa²aa' la to tyu² ley si tsu 'wii¹³ jai² galíi²naa' 'e júu³ niganuu²uun' do 'ee?

6 Joon ja²mo galíi²i Abraham Dios joon tsu 'wii¹³ joon ga'ii²¹mo Dios 'ii' 'e tyú¹-i. **7** Joon tsu 'wii¹³ joon cwoliñí² 'naa', 'in jo² líi²i Dios la jo² líi²i Abraham do, 'i-i líi¹i la jai² jún³ tya' Abraham. **8** Joon Dios, ñii¹o jéei¹gi, iuntyú¹i tsá² 'in jo seein²¹ Israel coon¹³ 'e jai² líi² Cristo. Joon Dios gajma¹a Abraham júu³ 'e júu³ tyú² lo, jin²in: “Iuncwaa³na jileei²¹ tsá² taain²¹² juncwii²¹ 'wii¹³ cwáain¹ tyi'i.” **9** La joon iuncwaa³i Dios 'in jai² líi² 'ii' caan²¹mo coon¹³ Abraham, 'in nigajai² líi².

10 Joon jileei²¹ 'in tsáai¹-tsi wa ilí² jmáa¹a ley tya' Moisés ijmá¹ Dios 'ii²¹ 'ii²¹ tya'a tsu ni jí² tya' Dios jin²in: “Jileei²¹ 'in jo untsiin¹ jilaa²¹ 'e toon¹on ni jí² tya' ley ijmá¹ Dios 'ii²¹ 'ii²¹ tya' 'i.” **11** Joon tyú² nee²¹ 'e jo untyú¹i Dios jiin¹³ jaain²¹ tsu 'wii¹³ nigajmaa¹a jiin¹³ la to² tyu² ley do; tsu ni jí² tya' Dios jin²in: “In nigauntyú¹i Dios 'ná² ngí¹ 'e jai² líi² Dios.” **12** Joon 'e gajmaa¹a tsá² 'e ley tya' Moisés do jo coon²¹ røø²¹ 'e jai² líi² Dios tsu jin² ni jí² do: “In jmoo¹o la to² tyu² ley do, coon¹³ joon iseein²¹.”

13 Joon Cristo niga'láa²mo jna' 'e jmá¹ Dios 'ii²¹ 'ii²¹ tyi' 'wii¹³ cwáain¹ tya' ley do tsu Dios gajmaa¹a 'ii²¹ 'ii²¹ tya' Cristo 'wii¹³ jna', tsu ni jí² tya' Dios jin²: “Ijmá¹ Dios 'ii²¹ 'ii²¹ tya' jileei²¹ tsá² 'in táain² tsaa¹ crúu¹³.”

14 La lo galí² 'e lí² uncwaa³i Dios tsá² jo seein²¹ Israel 'wii¹³ cwáain¹ tya' Cristo Jesús jiin¹³ la júu³ ga'ii¹i tya' Abraham. La joon lí² 'ii¹³na' coon¹³ 'e jai² líi²na' 'in Espíritu tya' Dios 'in nigajin² Dios incwoi² jna'.

'E ley do coon¹³ 'e júu³ ga'ii¹i Dios tya' Abraham

15 Tsaru¹u', fuu²¹²uu 'naa' coon²¹ cwáain¹ la jmoo¹o tsá²: Mo síi¹i tsá² coon²¹ júu³ tyiin² si 'ii¹i tsá² coon²¹ júu³ tyiin² 'ee joon tsaa²¹ tsá²

unnicwoo²¹o joon jiin¹³ jaain²¹ jo lí² wa jo la jai² jon'gi lí² wa'a tsa'láai²gi. **16** Joon ga'ii¹i Dios 'e júu³ do tya' Abraham coon¹³ jún² tya'a. Joon 'e júu³ tya' Dios do jo gajin²in: “jileei²¹ jún² tyi'i”, wa' øøi²¹-tsi tsá² 'in fúui¹. Pe gajin²in: “jún² tyi'i”; 'e coon¹³ la joon øøi²¹-tsi tsá² jaan²¹mo, joon 'in jaain²¹ do lí¹i Cristo. **17** 'E fuu²¹²uu 'naa' lo: Gacwoo¹o Dios 'e ley tya' Moisés tyún² cíein¹³ jiin²¹ tsi dyadya¹ jiin²¹ mo gangiii¹ ga'ii¹i 'e júu³ tyiin² do tya' Abraham. Joon 'e ley do jo lilí² wa'a jo tseein²¹gi 'e júu³ tyiin²¹ ga'ii¹i Dios tya' Abraham ca la mo jéei¹gi. **18** Joon wa mo'o gauntyúi¹ Dios tsá² 'wii¹³ cwáain¹ tya' ley tya' Moisés, jo mo gauntyúi¹ Dios 'in tsá² do 'wii¹³ cwáain¹ tya' 'e júu³ ga'ii¹i tya' Abraham do. Pe gacwo¹o Dios Abraham 'e júu³ tyiin² do 'e 'yaai¹-tsio tsu ja²mo galíi² Abraham 'ii.

19 Wa'a la joon, ¿'ee to² íi³ 'e ley tya' Moisés do? 'E ley do gajó² mo li ciin²¹gi 'e júu³ tyiin² do i'e²e tsá² xiaala lí² tsaa². Joon gataa²¹a 'e ley do ca gajó² 'in “jún²” do 'in gacwo¹o Dios 'e júu³ tyiin² do. Joon 'in ángeles gacwo¹o Moisés 'e ley do, joon Moisés do galíi¹ 'in ngiii¹ júu³ tya' Dios. **20** Joon wana 'ii¹i tsá² júu³ tyiin² jiin¹³ la 'i¹-tsi ña'a jo 'néi² 'in ngiii¹ júu³ tya'a. Joon 'in Dios lí¹i jaan²¹mo.

'Yu² to² tya' ley

21 ¿Ti lí² jin² tsá² 'e ley tya' Moisés 'e faa²¹a li cii¹³ lagi faa²¹a 'e júu³ tyiin² ga'ii¹i Dios? ¡Esa lí² la joon! Tsa wa mo'o galisá² coon²¹ ley 'e lí² jmée¹i tsá² tyúi¹ coon¹³ Dios joon 'ii²¹ Dios tsá² coon¹³ 'e gajmaa¹a 'e to² tyu² ley lo. **22** Pe jiin¹³ la gajin² jí² tya' Dios 'e jilee²¹mo líi¹i tsá² 'in jmoo¹o jiin¹³ la to² tyu² tsaa². 'E coon¹³ la joon lí²-i 'ii²¹ jileei²¹ 'in jai² lí²i Jescuristo 'e júu³ tyiin² do 'e ga'ii¹i Dios.

23 Joon la nu'gi incwéi¹ Cristo ilí² 'e jai² lín²na' 'ii, la wa'a sijñí¹³mo' coon¹³ 'e ley lo. La wa'a nisijñí¹³mo jna' 'yia¹³ joon ca mo gacwéi¹ Cristo. **24** Joon 'e ley do la wa'a niga'aa¹mo jna' ca mo gacwéi¹ Cristo joon ngajée¹³mo jna' tyani Cristo do 'e coon¹³ la joon lí²-i untyúu¹mo Dios jna' coon¹³ 'e jai² lí²na'. **25** Pe nano nicwé¹mo Cristo 'e lí² jai² lín²na' 'ii joon la joon jo 'ná²gi' 'e ley no 'e 'ái¹gi jna'.

26 Tsa coon¹³ 'e jai² lí²naa' Cristo Jesús lín²naa' jóon¹ Dios. **27** Joon jileei²¹ 'naa' 'in gasaai²¹ jmii²¹ ilicaan²¹naa' coon¹³ Cristo nigalín²naa' 'e lí¹naa' la líi¹ Cristo. **28** Joon tyani Dios jo líi¹gii' tsá² Israel jon'gi líi¹gii' tsá² jo seein²¹ Israel; jo líi²gii' tsá² 'in jmoo¹o to² tyu² tsá² si tsá² 'in jmoo¹o to² la 'iin²¹²in yaai 'ee; jo líi¹gii' tsañuu¹ si tsamí² 'ee, tsa jaan²¹mo líi¹naa' 'in nigauncaain²¹ coon¹³ Cristo Jesús. **29** Joon wana líi¹naa' tsá² tya' Cristo líi¹moo' jon jún² tya' 'lii²¹² tsafeei¹ Abraham. Joon i'ii¹³naa' lawa coon²¹ 'e tii²moo' 'e júu³ tyiin² do 'e ga'ii¹i Dios tya' Abraham.

4 1 'E 'øøi²¹-tsi 'e fo³oo lo: la jee²¹² siján² jaain²¹ jóon¹ tsá² i'ii²¹ tya' 'e itíi²¹ coon²¹ røø²¹ líi¹ la líi¹ tsá² 'in jmoo¹o to² tyu' tsá², xufiin¹³ 'ii-o líi¹ fii²¹² jilaa²¹ 'e sá². **2** Tsu seen²¹mo tsá² 'in 'aai¹ 'ii joon tyu²u to² 'ii ca tsín¹ jiin²¹ jiin¹³ la gajin² jmii²¹. **3** La joon jon lí² coon¹³ jna', lawa'a 'e xuu²¹²mo', joon 'e ley do tyu² to² jna' joon ga'i¹-tsi' jiin¹³ 'e sá² juncwii²¹ lo. **4** Pe mo gatsín¹ jiin²¹ jiin¹³ la ga'i¹-tsi Dios ña'a, gasiin¹in Dios Jóon¹on 'in gangatyéin¹ jaain²¹ tsamí². Joon galíi¹ jaain²¹ tsá² Israel 'in 'ná² jmá¹ la to² tyu² ley. **5** Gajó² la joon, joon coon¹³ la joon ilí² láai² jna' coon¹³ 'e ley 'e tyu² to² jna' do. 'E coon¹³ la joon lí² 'ii²¹mo Dios jna' lawa jóon¹o.

6 Joon, tsu 'wii¹³ líi¹naa' jóon¹ Dios, gasii¹in Dios Espíritu tya' Jóon¹on Jesús 'e tsa'i² alma tyi'naa'. Joon 'in Espíritu 'yuui² alma tyii' 'oo¹o, tø¹ø Dios Jmii²¹ jin²in: “iÑu²¹!” **7** Joon tsu 'wii¹³ joon jo líi¹gii' la líi¹ tsá² 'in jmoo¹o la to² tyu² tsá², pe líi¹naa' jóon¹ Dios. Joon wa' líi¹naa' jóon¹ Dios 'wii¹³ cwáain¹ tya' Cristo i'ii¹³ naa' la tii² 'ii²¹ jóon¹ Dios.

Cu²-tsi Poo² coon¹³ 'in jai² líi²i 'in néei¹ Galacia

8 Joon la mo jéei¹, mo jo mo galicwii¹naa' Dios Jmii²¹, líi¹naa' tsá² 'in jmoo¹o la to² tyu² dioses 'in gajmeei¹ tsá², 'in jo líi¹ dios la jai². **9** Pe la no nigalicwii¹mo Dios Jmii²¹ owa'a 'e tyú²gi fo²oo 'ee, nigalicwii¹mo Dios 'naa'. Wa'a la joon, ¿'ee líi¹ cii¹³ yaanaa' jmoo²oo' tún¹ 'e jo 'oo¹o pí³ wa'a jmá¹a tiin¹³ 'naa' joon jo 'ee to² íi? Líi¹naa' la líi¹ tsá² 'in 'iin²¹²in jmá¹ la to² tyu² 'e jooi¹-tsi tsá² yaai. **10** Jmoo²oo' jmii²¹² 'áai¹, mo tí² jmii²¹² tya' sii¹²¹, si jmii²¹² tya' jiin²¹ 'ee, si doñi¹ee jmii²¹² 'ee 'e seen²¹naa' tyú² coon¹³ Dios. **11** Cu²-tsii 'e to² tyiia 'e gajmáa³aa jee²¹² 'naa' jo 'e galilíi¹³ 'ee.

12 Tsaru¹u', mí³ii tyaní²ii' ilíin²naa' tún¹ la líi¹ jna tsu nigalíi¹na la líi¹ 'naa'. Jo mo gajmee¹³naa' jna jiin¹³xu la mo jéei¹ la joon jon nano. **13** Tsu ñí² 'naa' 'e gacwo³oo 'naa' 'e júu³ tyú² tya' 'e tiin¹³ tsá² mo 'wiin²¹² tsu 'wii¹³ 'e tsaa¹³oo. **14** Joon jo gali'ee¹naa' jna tsu 'wii¹³ 'e jmoowúu¹ 'e tyaan¹ lo. Pe ga'ii¹³mo' jna lawa 'e líi¹na jaain²¹ ángel tya' Dios si lawa 'e líi¹na ña'a 'ee Cristo Jesús. **15** ¿'Ee galí² coon¹³ 'e tyú² sáan²aan' coon¹³ jna? Lí²-i fo³oo 'wii²¹² tyi'naa' wu xu'u ilí² 'wóo¹³oo' mii² unní²ii' yaanaa' cwoo²¹oo' jna. **16** Pe nano, ¿ti nigali'ee¹naa' jna tsu 'wii¹³ nigafuu²¹²uu 'naa' 'e júu³ 'e la jai²?

17 'In tsá² 'in 'e² 'naa' no 'áai¹ untyúu¹i 'naa' pe 'e gó² i¹-tsi. Jiin¹³ 'e tyaa¹-oo' wa' ituu²naa' jna'a. 'E coon¹³ la joon ijmaa²aa' núu¹³uun¹ to² tyu² 'ii. **18** Joon tyú²-u wa'a untyúu¹i tsá² tsá² xeei²¹ wa'a i¹-tsi tsá² jiin¹³ 'e tyú²-u, pe 'ná² jmáa¹a la joon coon²¹ tøø²mo, jon' wa'a jiin¹³ mo ngíi³ coon¹³ 'naa'. **19** Lawa xuui²¹² tyiia líi¹ 'naa', joon 'wii¹³ tyi'naa' 'e móo³oo wúu¹ la wúu¹ ni² tsamí² mo ti lí² liseein²¹ yuun²¹ tya'a. Joon la joon imóo³oo wúu¹ ca galíi¹naa' tsá² 'in jmoo¹o jiin¹³ la to² tyu² Cristo.

20 'Áa¹mo 'iin²¹²na wa' mo tyíin¹³na coon¹³ 'naa' nano 'e lí² fuu²¹²uu 'naa' coon¹³ júu³ xiia'gi tsu jo ñí³ii 'ee 'í-tsii tyi'naa'.

Xiiala galíi¹ Agar coon¹³ Sara

21 Sii¹³du 'naa' jna jileei²¹ 'naa' 'in 'iin²¹² 'naa' 'e tyu² ley to² 'naa': ¿Tí jo mo ganúu¹³uun' la gajin² ley do? **22** Tsu 'e ley do jin² 'e galiseein²¹ gái¹ yuun²¹ tsañuu¹ tya' Abraham. Joon 'in yuun²¹ nifu do galiseein²¹ tya' jaain²¹ tsamí² 'in jmoo¹o to² inuu tya'a. 'In tsamí² lo líi¹ esclava, 'e 'øøi²¹-tsi tsá² 'in jmoo¹o la to² tyu² tsá² 'ii. Joon, 'in yuun²¹ jaain²¹ dogi galiseein²¹ tya' tsamí² tya'a 'in lí² jmá¹ jiin¹³ la 'iin²¹²in. **23** Joon 'in yuun²¹ 'in galiseein²¹ tya' 'in tsamí² líi¹ esclava do galiseein²¹ la liseein jileei²¹ yuun²¹ catyaaí². Pe mo galiseein²¹ Isaac, 'in yuun²¹ tya' 'in tsamí² 'in lí² jmá¹ jiin¹³ la 'iin²¹²in, gauntsiin¹mo 'e júu³ tyiin² 'e ga'íi¹ Dios tya'a. **24** 'E cwáain¹ lo lí¹ lawa coon²¹ cwáain¹ tya' tsá². La je tún² júu³ tyiin² ga'íi¹ Dios líi¹ 'in gái¹ tsamí² no. 'In tsamí² galisii²¹ Agar, 'in líi¹ esclava do, líi¹ la li 'e júu³ tyiin² ga'íi¹ Dios yu' moo²¹ Sinaí. Joon jileei²¹ 'in jóon¹on 'in tsamí² lo 'in lín² esclavos jon. **25** Agar do líi¹ la li 'e moo²¹ sii²¹ Sinaí 'e si² coon²¹ li sii²¹ Arabia. La li 'e moo²¹ Sinaí la mo jéei¹ la joon li Jerusalén nano tsu jileei²¹ 'in tsagoo¹o 'e fuu²¹ do 'ná untsiin¹ jiin¹³ la to² tyu² ley 'e ga'íi²¹ yu' moo²¹ Sinaí. **26** Pe 'e Jerusalén ná¹ fu ñu'fú² jo tyu² to² ley do joon líi¹na' tsagoo¹o 'e fuu²¹ joon. **27** Tsu la jin² jí² tya' Dios:

Tsamí² jo 'in yuun²¹ tsatyéein¹, cwounjløøi¹³ 'wo'o. Unjløøi¹³ 'wo'o 'in jo 'in xuui²¹² seen²¹ tya'a.

'Nu 'in jo mo gangó¹ wúu¹ tya' tsamí² mo liseein²¹ jóon¹on, 'óo²o 'e jløø¹³u'u.

Tsu 'in tsamí² 'in jo mo galiseein²¹ yuun²¹ tya'a, 'ii-i 'in tsafúui¹gi jóon¹on lagi 'in tsamí² 'in seen²¹ ñuu¹ tya'.

28 Tsaru¹u', jna' líi¹na' la líi¹ Isaac tsu líi¹na' jóon¹on jiin¹³ la júu³ tyiin² ga'íi¹ Dios. **29** 'In xuui²¹² tya' Agar do galiseein²¹ la liseein²¹ jileei²¹ xuui²¹² catyaaí². Joon 'in xuui²¹² tya' Agar do ga'øø¹i 'in xuui²¹² jaain²¹ do 'in galiseein²¹ coon¹³ 'ii²¹ tya' Espíritu Tyú². La joon jon lí² la no. 'In tsá² 'in jmoo¹o jiin¹³ la to² tyu² ley i'øø¹mo jna' 'in jai² líi² Cristo. **30** Pe ¿ee jin² júu³ tya' Dios? La joon jin²: "Wóoi caluu 'in tsamí² 'in líi¹ esclava coon¹³ jóon¹on tsu 'in yuun²¹ tya' 'in esclava do jo lí² 'ii²¹i caain²¹ 'e gatíi²i coon¹³ 'in yuun²¹ tya' 'in tsamí² 'in lí² tyu² to² do." **31** La joon, tsaru¹u', jo líi¹na' xuui²¹² tya' 'in esclava do 'e tyu² to² ley jna' pe líi¹na' xuui²¹² tya' Sara 'in tsamí² 'in lí² tyu² to².

Tá² téein¹-oo' tsu nigaláa²mo Cristo 'naa'

5 1 Tsu 'wii¹³ joon tá² téein¹-oo' coon¹³ 'e galáai² Cristo jna' joon jo cwéi¹gi yaanaa' wa' a liin²naa' tsá² tún¹ 'in jo lí² tyu¹² to² yaaí. Tsu 'e ley do lí², lawa coon²¹ 'mó² tsityi² tya' tsá², 'e joon jo lí² cwó²o wa'a tyu¹² tsá² to² yaaí.

2 Núu²duu', tsu jna, Poo², fuu²¹²uu 'naa', jo 'ee to² íi³ Cristo tyii' wa' 'ii¹³naa' 'e li² circuncisión. 3 Tsu fuu²¹²uu 'naa' tún¹ 'e doñi'in 'in 'iin²¹²in 'ii²¹ 'e li² do 'ná² untsiin¹ jilaa²¹ ley tya' Moisés. 4 Joon jileei²¹ 'naa' 'in 'iin²¹²in wa'a untyú¹ Dios 'naa' tsu 'wii¹³ nigajmaa²aa' jiin¹³ la to² tyu¹² ley do nigatú¹moo' Cristo, joon nigajmaa²oo' coon²¹ wa'a 'e lí² feei¹gi-tsi Dios tyii'. 5 Pe jna'gii' coon¹³ 'ii²¹ tya' Espíritu sijaan²¹a'an wa'a untyú¹ Dios jna'a tsu 'wii¹³ jai¹² líi²na'a Cristo. 6 Tsu wana sicaan²¹na' coon¹³ Cristo Jesús jo 'ee to² íi³ wa líi¹na' 'e li² circuncisión do si jo líi¹na' 'ee. 'E 'íi³ to² tyi' 'e li'in²¹²na' la jaain²¹ la jaan²¹na' tsu 'wii¹³ ja¹²mo galí²na' Dios.

7 'Naa', cwoliin²naa' røø²¹ la mo jéei¹. Pe nano, ¿iin gajmaa¹a gajnii²¹ 'naa' wa jo jmaa²gii' núu¹³uun' 'e júu³ la jai¹² lo? 8 Jon'on Dios gajmaa¹a 'e joon, lí' 'ii-o catø¹²ø 'naa'. 9 La 'øøi²¹-oo' no, coon¹³ ca pi¹³ tyiiian¹³ do ilí² iróon² jilaa²¹ con² do; la joon jon jaain²¹ tsá² lí² uncaain²¹ tsá² fúui¹ wa'a núu²uun júu³ tya'a. 10 Joon jo cu¹²-tsii coon¹³ Ña'ñu¹³u' 'wii¹³ 'naa' 'e jo unsii²¹naa' 'e 'i¹-oo' jilaa²¹ 'e niga'e¹²ee 'naa'. Pe i'e¹² Dios wúu¹ 'in untyíin² 'naa', jo 'ee cwáain¹ tya'gi doñi'in.

11 Joon 'inlíi¹³ cwo¹o jna tsaa² 'e 'ee¹ jna tsá² 'e 'ná² 'ii²¹ tsá² 'e li² circuncisión do. Pe jo i'øøi¹gi tsá² Israel jna wa mo'o 'ee²¹ee 'e 'ná¹ 'ii²¹ tsá² li² circuncisión. Pe 'øøi¹gi 'ido jna tsu 'wii¹³ fuu²¹²uu 'ido 'e gajuuin²¹ Jesús tsaa² crúu¹³ 'wii¹ tya' tsaa² tya'a. Joon 'wii¹³ joon 'ee¹mo 'ido jna. 12 Pe tya' 'in tsá² 'in ngí¹ to² untyíin² 'naa' tsáai¹gi-tsii wa' 'wó¹mo yaa-i jee²¹² 'naa' coonti.

13 Tsaru¹u', gatø¹² Dios 'naa' 'e seen²¹naa' siláa²naa' 'e tyú²uu to² yaanaa'. Seen²¹naa' siláa²naa' pe jo cwéi¹ yaanaa' wa'a jmaa²aa' 'e gó² 'e 'yaaí¹-tsi ngú¹ taan²¹²naa'. Pe cwéi¹ yaanaa' wa'a uncóon¹³on' la jaain²¹ la jaan²¹naa' tsu 'wii¹³ 'iin²¹²naa' yaanaa'. 14 Tsu wana jmoo²oo' jiin¹³ la jin¹² 'e júu³ lo: "Cwoli'in²¹²moo' tsaruu²¹naa' jiin¹³ la 'iin²¹²naa' yaanaa'", iuntsiin¹naa' jilaa²¹ ley catyia². 15 Pe wana 'eei¹ 'naa' joongi mií¹³ 'naa' la jaain²¹ la jaan²¹naa', ¿xiiala iliseen²¹naa' tyú² la 'oo²¹ yaanaa' 'e la joon?

Xiiala líi¹ tsá² 'in jmoo¹o jiin¹³ la 'yaaí¹-tsi ngú¹ taain²¹²

16 Pe fuu²¹²uu 'naa': Ngí²ii' to² jmoo²oo' la to² tyu¹² Espíritu tya' Dios joon coon¹³ la joon jo jmaa²aa' 'e gó² jiin¹³ la 'yaaí¹-tsi ngú¹ taan²¹²naa'. 17 Tsu 'e ngú¹ taan²¹²naa' no jo 'iin²¹²in jmá¹ 'e 'yaaí¹-tsi Espíritu tya' Dios. La joon jon 'in Espíritu do jo 'iin²¹²in jmá¹ 'e 'yaaí¹-tsi 'e ngú¹

taan²¹²naa'. 'Aa¹a ngú¹ taan²¹²naa' 'in Espíritu do, la joon jon Espíritu 'aa¹o ngú¹ taan²¹²naa'. Joon tsu 'wii¹³ joon jo cwói¹ jmaa²aa' jiin¹³ la 'iin²¹²naa'. **18** Tsu wana cwéi¹ 'naa' yaanaa' 'e tyu¹² Espíritu to² 'naa' jo tyu¹²gi ley to² 'naa'.

19 Joon jo wúui¹ liñí² tsá² 'e 'iin²¹²in ngú¹ taan²¹²naa' jmá¹, 'iin²¹²in fee¹²i tsamí² tya' tsá² xeei²¹, 'iin²¹²in jmá¹ jilaa²¹ 'e 'leei²¹ tsá², joon 'iin²¹²in jmá¹ jilaa²¹ 'e 'yaai¹-tsi ña'a. **20** Joon 'e ngú¹ taan²¹²naa' 'iin²¹²in un'goo¹o jileei²¹ dioses tya'a 'in gajmee¹i yaai joon tí²-tsi jmáa¹a júu³ loo¹, 'eei¹ ruu²¹i, 'noo¹o mii¹³ joon 'iin²¹²in 'e sá² tya' tsá² xeei²¹. Joon jo wúui¹ tí² 'nii²¹-tsi, joon jilaa²¹ 'e jmoo¹o jiin¹³ tya' 'e yaai. Joon 'iin²¹²in jmáa¹a poo²¹² la 'ii¹³ tsá², si jmáa¹a coon²¹ poo²¹² tya' ña'a 'ee. **21** Joongi 'oo¹o tsii²¹² wúu¹, joongi jngaai¹³ tsá², joongi ngii¹i to² 'iin¹ joongi to²o mii¹³ mo 'iin¹in joongi jmoo¹o jilaa²¹ 'e catyiaa² 'e li la lo. Joon fuu²¹²uu 'naa' tún¹ la nafo¹oo la mo jéei¹ do, 'in jmoo¹o la lo jo lí² wa' tsataai¹ li tyu¹² Dios to² tsá².

Xiaala líi¹i tsá² 'in jmoo¹o jiin¹³ la 'iin²¹²in Espíritu

22 Pe 'in Espíritu do jmoo¹o wa'a li'iin²¹²mo tsaruu²¹i joongi jmoo¹o wa'a jmá¹ tsá² jløø¹³i, joongi 'e seein²¹ tyú² coon¹³ Dios la joon jon la 'oo²¹ yaai. Coon¹³ 'ii²¹ tya' Espíritu Tyú² do lí² lín² tsá² tsá² feei¹-tsi, joongi tsá² 'wó²-tsi, joongi tsá² 'in uncoon¹³ tsá² xeei²¹, joongi tsá² 'in untiin¹³ júu³ tya'a. **23** 'In Espíritu do uncoon¹³ tsá² 'e seein²¹ tyú²-tsi joon 'e lí² tyu¹² to² yaai. Joon jiin¹³ coon²¹ ley jo sá² wa'a jmaa¹a 'ii²¹ tya' 'in tsá² 'in jmoo¹o jilaa²¹ 'elo.

24 Joon jileei²¹ 'in líi¹ tsá² tya' Cristo Jesús lawa nigatáan¹in tsaa¹ crúu¹³ jilaa²¹ 'e gó² 'iin²¹²in ngú¹ taan²¹²in. **25** Joon wa' seen²¹na' coon¹³ 'ii²¹ tya' Espíritu Tyú² do, cwongí²¹ jon coon¹³ 'ii²¹ tya' Espíritu do.

26 Joon coon¹³ la joon jo lí² jmée¹na' jløø¹³ yiaa' tsu wana jmoo²¹o' jløø¹³ untyíi²na' la jaain²¹ la jaain²¹ tsá² joongi 'oo²¹²o' tsii²¹² wúu¹.

Uncóon¹³oon' la jaain²¹ la jaain²¹

6 **1** Tsaru¹u', wana gajjin²¹naa' jaain²¹ tsá² 'in nigatøi² tsaa² tya'a, 'naa', 'in ngi¹gi coon¹³ 'ii²¹ tya' Espíritu, 'ná² uncóon¹³oon' ido 'e jiin¹³in coon¹³ Cristo. Joon 'ná² jmaa²aa' 'e 'wó²-oo' coon¹³on. Coon²¹ tún² 'ná² jmaa²aa' tsu coon²¹ jo¹ ngái¹ la no wa 'naa'gii' gaxuu²¹ 'naa' tsaa² tyii'. **2** Uncóon¹³oon' la jaain²¹ la jaain²¹ tsá² 'in 'oo¹o faí³ joon coon¹³ la joon lí² untsiin¹naa' 'e ley tya' Cristo.

3 Tsu coon²¹ tsá² too² yaai wa'a líi² tsá² 'e tsá² 'in tyiin² 'ii, pe jon'gi 'in tyiin² 'ii. **4** 'Ná¹-a tyá²a tsá² cwáain¹ tya'a la jaain²¹ la jaain²¹ xiiala to² nigajmaa¹a wa'a cwo'íi¹ 'e tyúu¹i cwáain¹ tya' ña'o, jon' wa' cwáain¹ tya' tsá² xeei²¹. **5** 'E juncwii²¹ tya' tsá² li la li láa¹a joon la jaain²¹ la jaain²¹ tsá² 'ná¹ cón² láa¹a 'ña'a.

6 Joon jileei²¹ 'in núu²un 'e júu¹ tyú² tya' Dios 'e 'e²e tsa tíi²i uncoon¹³ 'in tsá² do 'in 'e² 'ii coon¹³ 'e tyú² tya'a.

7 Jo cóon¹³oon' too² yaanaa': 'e líi²naa' 'e lí² unsíi² tsá² 'e to² nigatyú² Dios. Tsu 'e jún² 'e jñi¹ tsá² la joon jon cón² tsá² mi tí² 'e garoo²¹. (Wa jñi¹ tsá² cwuu²¹ joon coon²¹ tsá² cwu¹ tya'a mo garoo²¹o.) 8 La joon jon wa' jmoo¹o tsá² jilaa²¹ 'e gó² 'iin²¹²in ngú¹ taan²¹²in, 'e gó² do jon ijmá¹ júuin² li gatséi¹. Pe wana jmoo¹o tsá² jiin¹³ la 'yaai¹-tsi Espíritu tya' Dios, 'in Espíritu do ijmáa¹ 'e seen²¹mo 'in tsá² do coon²¹ tøø²mo. 9 Jo cwo'woo²¹oo' 'e jmoo²oo' 'e tyú²; tsu wana jmoo²¹o' taa²¹gi' ca gatí² 'ii²¹ 'e garoo²¹ 'e sá² 'e lee²¹e'. 10 Tsu 'wii¹³ joon cwojmoo²¹o' 'e tyú² tya' jileei²¹ tsá² mi lí². Cwojmoo²¹o' la joon 'e tyiin²gi nifu tya' tsaru¹u' 'in jai² líi²i Cristo.

Júu³ li tséi¹

11 Ñí²duu' xiaala coo¹³ 'e júu³ lo 'e gatón³oon ni mo'jí² lo coon¹³ cwóo³oo. 12 'In tsá² do 'in 'iin²¹²in wa' 'ii¹³naa' 'e li² circuncisión, 'iin²¹²in la joon jiin¹³ wa' iliseen²¹in tyú² coon¹³ 'in tsá² Israel catyaai² do, 'e coon¹³ la joon jo 'e iní²i wúu¹ 'wii¹³ tya' 'e júu³ tyú² do 'e gajuin¹ Cristo tsaa¹ crúu¹³ 'wii¹³ tyi'. 13 Jon' wa' jiin¹³ 'in tsá² líi¹ li² circuncisión lí² jmáa¹ jilaa²¹ la jin² ley pe 'iin²¹²in 'e 'ii¹³naa' 'e li² do 'e coon¹³ la joon ijmá¹ jloo¹³ 'e to² tyú² 'ii-o ga'ii¹³naa' 'e li² do. 14 Pe wa jna, cwáain¹ tyiia 'ñii'a, jo 'e sá² wa' jmá³aa jloo¹³ 'ñii'a. Pe wa'a jmá³aa jloo¹³, jloo¹³ jmá³aa tsu 'wii¹³ nigajuin¹ Ña'ñu¹u' Jesucristo tsaa¹ crúu¹³ 'wii²¹² tyiia. Tsu 'wii¹³ cwáain¹ tya' 'e crúu¹³ do 'e fu juncwii²¹ lo jo tyú²gi to² jna, joon la wa' na'lii²¹²moo tya' 'e fu juncwii²¹ lo. 15 Tsu wana sicaan²¹na' coon¹³ Cristo Jesús jo 'ee to² 'íi³ tyi' wana 'ii¹³na' 'e li² do si jo mo 'ii¹³na' 'ee. Jiin¹³ 'e 'íi³ to² tyi' wa' 'e lín³na' 'in 'múu²mo'. 16 Joon cwoliseein²¹ tyú² tyani Dios jileei²¹ 'in líi¹ la joon, joon cwolifee¹mo-tsi Dios tya'a, tsu lín² 'ido tsá² tya' Dios 'e la jai².

17 Nano tiin¹³ li ngóo¹gi do jo 'iin²¹²na wa'a untyiin² tsá² jna jiin¹³ jáain¹. Tsu lí²-i liñí² tsá² 'e líi¹na tsá² tya' Ña'ñu¹u' Jesús coon¹³ 'e li² li sicwuu²¹ tyiia lo.

18 Tsaru¹u', cwoseen²¹moo' 'e feei¹-tsi Ña'ñu¹u' Jesucristo 'wii²¹² tyii' coon¹³ jilaa²¹ 'e 'i¹-oo'. Amén.